



Inatsisartunut ilaasortaq
Michael Rosing
Maani/

§ 37 naapertorlugu apeqqummut normu 097-mut akissut

Inatsisartut suleriaasianni § 37, imm. 1 naapertorlugu Naalakkersuisunut apeqquteqarputit. Apeqqutit uanga suliassaqarfinit akineqartussanngortinneqarpoq.

1. Suna pissutaava sinerissamut qanittumi qaleralinniarneq pillugu Namminersorlutik Oqartussat nalunaarutaata allanngortinneranut atatillugu ataasiinnarmik aqutsisoqarfimmik eqqussisoqarneranut (Nuuk)?

Nuummi ilaatigut tunisinermi akit qaffasinnerisa kingunerisaanik qaleralinniarneq annertusiartormat, Nuup eqqaani aqutsiveqarfimmik atuutilersitsinissamik pisariaqartitsisoqarpoq, taamaalilluni qaleralinniarnermik immikkut killilersuisoqarniassammat. Aqutsiveqarfimmik atuutilersitsinermi siullermik siunertaavoq aqutsiveqarfimmi nutaami immikkut pisassiissutinik atuutilersitsinissaq, taamaalilluni pisassiissutit tamakkerlugit pisarineqaraangata aalisarneq unitsinneqartassalluni. Naliliisoqarpoq Kalaallit Nunaata Ilaani aqutsiveqarfiup aggnilersornissaanik maannakkut pisariaqartitsisoqanngitsaq, tassa aqutsiveqarfimmi Kalaallit Nunaata Sinnerani qaleralinniarneq annertunngimmat Sumiiffinni Nuup eqqaani, Qeqertarsuup Tunuani, Uummannami Upernavimmilu. qaleralinniarnep annertuneruvoq.

2. Naalakkersuisut isumaat naapertorlugu aqutsisoqarfimmik "Kalaallit Nunaata sinnera"-nik atorunnaarsitsineq sunik iluaqutissartaqarpa aamma sunik akornguteqarpa - paarlattuanik eqqunagit aqutsisoqarfiit immikkoortut arfinillit ukuusut: Maniitsoq, Paamiut, Sisimiut, Kalaallit Nunaata kujataa, Qaanaaq aamma Tasiilaq?

Naalakkersuisut naliliipput, sumiiffinni aalisarnerup killilersorneqarnissaa pisariaqarpat aggnilersueqqinnissaq tulluurtuussasoq. Naalakkersuisulli isumaqarput aalisartut ataasiakkaat inuussutissarsiornissamut periarfissaasa attatiinnarnissaat suliassaasoq pingaaruteqartoq, sapinngisamillu taamatut inuussutissarsiornep killilersimanissaa pinngitsoortinneqartariaqartoq. Naalakkersuisut tamassuma kinguneranik naliliipput taamaallaat sumiiffinnut arlalinnut aggnilersuineq killiliinerillu tassunga atasut aalisartut ataasiakkaat aalisarsinnaanermik killiliinnginnissamik isiginninniarnep pingaarnruppata aqutsiveqarfinnik aggnilersuisoqassasoq.

Aqutsiveqarfinnik arfinilinnik taakkunanga atuutilersitsinerme aqutsiveqarfimmi ataatsimi aalisarsinnaanermut akuersissummik ataatsimik atuisinnaaneq pillugu

14-03-2017
Sags nr.2017-5228
Dok. nr. 17832566

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apnn@nanoq.gl
www.naalakkersuisut.gl

aalajangersaasoqarpat aalisartut inuussutissarsiornermi periarfissaannik killiliinerussaaq.

3. Naalackersuisut isumaat naapertorlugu sinerissap qanittuani qaleralinniarnissamut akuersissummik siunissami aqutsisoqarfimmi ataasiinnarmi atuisalernissamut aalajangiisoqarnera sunik iluaqutissartaqarpa aamma akornguteqarpa?

Sinerissap qanittuani qaleralinniarsinnaanermut akuersissummik ataatsimik taamaallaat aqutsiveqarfimmi ataatsimi atuisinnaanerup iluaqutaa tassaavoq aalisalersinnaasut killilersimaarneqarnissaannik kinguneqartussaanera, taamaalilluni aalisarpallaanerup kinguneranik peqassutsip ajutuunnginnissaa pingitsoortinneqassalluni, tassa aalisakkanik taakkuninnga aalisalersinnaaneq taamaaliornikkut killilersimaarneqarsinnaammat.

Ajoqutaasoq taassavoq, allaaserineqartut killilersuinissamik aalajangiinermi aalisartut inuussutissarsiornermi periarfissaannik killiliisoqarnissaa. Sinerissap qanittuani aalisartut ataasiakkaat inuussutissarsiornerminni isertitaannik Naalackersuisut killiliiniangmimata, Naalackersuisullu naliliimmata aalisagaqassutsip ajutooriataarsinnaanera pissutigalugu aalisalersinnaanerup killilersimaarneqarnissaa pisariaqanngitsoq, Naalackersuisut isumaqarput nalunaarutissami taamatut killiliinissamik aalajangersaasoqarpat aalisartut inuussutissarsiornerminni isertaqartarnissaat pisariaqanngitsumik killilerneqassasoq.

4. Naalackersuisut aggornilersuineq, apeqqut 2-mi taaneqartoq isumaqatigaat - imaluunniit Naalackersuisut isumaqarpat amerlanerusunik imaluunniit ikinnerusunik aqutsisoqartarfeqartariaqartoq, taamaassappat suna pissutigalugu?

Naalackersuisut aggornilersuinissaq maannakkut isumaqataaffigaat, tassa Naalackersuisut isumaqanngimmata aqutsiveqarfimmi taakkunannga atuutilersinissamik isiginninniarnep aalisartut ataasiakkaat inuussutissarsiornermi periarfissaannik isiginninniarnep qaangeraa. Naalackersuisut taamaalillutik isumaqarput, aqutsiveqarfiit siunnersuutigineqartut amerlassuseqartariaqartut.

5. Aggornilersuineq aamma killilersuineq apeqqummi 2-mi aamma 3-mi taaneqartoq pisortanut namminersorlutillu inuussutissarsiortunut aningaasatigut allaffissornikkullu qanoq kinguneqassanersoq Naalackersuisut nalilerpaat?

Naalackersuisut aggornilersuineq killiliinerlu, apeqqutini 2-mi 3-milu oqaatigineqartut, pisortanut inuussutissarsiortunullu ukuninnga kinguneqassasut:

Piffissaq sivikinnerusoq eqqarsaatigalugu naliliisoqarpoq ilaatigut biologit annertunerusumik siunnersuisarnissaasa nakkutilliinermillu pisariaqartitsinerup kinguneranik aningaasartuteqarnerulernermik kinguneqassasoq. Tamassuma saniatigut siunnersuutigineqartut aggornilersuineq killiliinerlu pisortat allaffissornerisa annertunerulernerannik kinguneqassasut ilimagineqartariaqarpoq.

Aammattaq naliliisoqarpoq siunnersuut inuussutissarsiortunut namminersortunut (aalisartunut) ajornerusunik kinguneqassasoq, tassa aalisartut aalisarfimmi piffissat ilaanni imminut akilersinnaanerusut isumaqarfignissaanni aalisartut aalisarsinnaanermut

periarfissaat killilerneqassammata. Ilimagineqartariaqarpoq tamanna aalisarnermi sinneqartoorutiniq taamaalillunilu aamma toqqaannanngitsumik nunap karsiata sinneqartoorutaanik appartitsissasoq.

Ilimagineqarpoq siunnersuut inuussutissarsiortunut namminersortunut allaffissornikkut kinguneqassasoq.

6. Naalakkersuisut isumaqataanerlutik aggornilersuineq killilersuinerlu apeqquumi 2-mi aamma 3-mi taaneqartut, atasinnaanerusumik aalisarnermut siuarsaaqataajumaartut?

Aggornilersuineq killilersuinerlu nungusaataannginnerusumik aalisarnerup siuarsarneqarnissaanut tapersiissasut Naalakkersuisut isumaqatiginngilaat. Naalakkersuisulli isumaqarput aggornilersuineq killilersuinerlu ilaatigut naleqquttuussasut, tassa siusinnerusukkut oqaatigineqartut assersuutigalugu aalisarnerulertoqartussaamat, tamassumalu kingunerissavaa annertunerusumik aggornilersuisoqartariaqarnera killersisoqarnerulernalu. Naalakkersuisut taamaalillutik isumaqanngillat, aggornilersuineq killilersuinerlu nungusaataannginnerusumik aalisarnerup siuarsarnissaanut ingerlaannaq tapersiissasut.

7. Imaassinnaaneruni aggornilersuineq killilersuinerlu apeqquumi 2-mi aamma 3-mi oqaatigineqartut, Aalisarnermut Nakkutilliisoqarfimmut (GFLK-mut) kiisalu Pinngortitaleriffimmut aningaasaliissutit amerlinerannik kinguneqarsinnaasoq - pisassiissutit aalajangersarnerannut atatillugu, nakkutilliinernut il.il.?

Aap.

8. Naalakkersuisut allanik attuumassuteqartunik taasaqarsinnaanerlutik?

Nalunaarutissatut siunnersuutikkut (Sinerissap qanittuani qaleralinniarneq pillugu Namminersorlutik Oqartussat nalunaarutaat aamma Aalisarsinnaanermut akuersissutit pisassiissutillu pillugit Namminersorlutik Oqartussat nalunaarutaat) Naalakkersuisut siunnersuuteqarput aqutsiveqarfinni aalisalersinnaanermik killiliisoqassanngitsoq, taamaalilluni aqutsiveqarfinni aalisalersinnaaneq allanik aalisalersinnaanermik pinngitsoortitsissanani. Aalisarsinnaanermik akuersissutiniq pissarsiaqarsinnaatitaasut taamaalillutik aqutsiveqarfinni tamani qaleralinniarsinnaanermut akuersissutiniq pissarsisinaanissamik periarfissaqalissapput.

Inussiarnersumik inuulluaqqusillunga


Hans Enoksen